

Poziv za iskazivanje interesa za članstvo u Konsultativnom Forumu Sist'Her Centra za žene

Udruženje Žene za žene International (ZZI), u okviru projekta „**Towards equality: Women and citizens in action for more inclusive societies in Bosnia and Herzegovina and Eastern Europe**“ koji se realizuje u saradnji sa partnerskom organizacijom Empow'Her Global, a uz podršku Francuske razvojne agencije (AFD), objavljuje **Poziv za iskazivanje interesa za članstvo u Konsultativnom Forumu Sist'her Centra za žene**.

U sklopu ovog projekta, kreiran je **Sist'Her Centar** kao jedinstveni fizički prostor namijenjen svim ženama, kako bi se osjećale sigurno i slobodno u razmjeni mišljenja i ideja, međusobnom povezivanju i stvaranju novog poduzetničkog narativa. **Centar za žene "Sist'Her Sarajevo"** pruža različite programe i aktivnosti usmjerene na osnaživanje žena kroz edukaciju, umrežavanje i razvoj poduzetništva i poduzetničkih vještina.

Neki od ključnih programa uključuju:

- **Start-up program (Strong Woman Strong Business):** Ovaj program pruža podršku ženama koje žele razviti vlastite poslovne ideje, kroz edukaciju, mentorstvo, finansijsku podršku i pristup mreži podrške.
- **Discovery radionice:** Informativne sesije koje ženama pružaju uvid u to šta je ustvari poduzetništvo i šta znači biti poduzetnica
- **Jednodnevni treninzi:** specijalizirane obuke iz oblasti poduzetništva, ekonomije i ličnog rasta i razvoja

Također, u centru se održavaju različiti tipovi događaja:

- **SheTalks:** Ovi događaji nude priliku poduzetnicama da predstavljaju sebe, svoj biznis / posao kroz inspirativno-motivacione razgovore.
- **Network'Her** – Događaji koji omogućavaju ženama da se povežu, upoznaju i umreže sa drugim ženama (predstave, promocije knjiga ženskih autorica, večeri poezija, književne večeri i slično).
- **Pow'Her** – Masterclass predavanja sa profesionalcima iz različitih sektora koja pokrivaju različite oblasti s ciljem sticanja novih vještina i znanja (radionice o psihološkom osnaživanju, praktični kursevi, itd).
- **Mind&Body** – Inovativni koncept posvećen očuvanju psihofizičkog zdravlja žena, koji uključuje razne metode za osnaživanje žena.
- **She Tests** – Prilika za poduzetnice da predstavljaju i testiraju svoje proizvode, te dobiju besplatan i konstruktivan feedback od učesnica događaja

- **PartnerHERship** - Specijalni događaji koji se realizuju u centru u partnerstvu sa drugim organizacija

Za najnovije informacije o aktuelnim događanjima i programima, preporučujemo da posjetite zvaničnu web stranicu Sist'Her Sarajevo <https://sisther.zenezazene.ba/> ili ih pratite na društvenim mrežama: https://www.instagram.com/sisther_sarajevo/

Svrha poziva

Poziv za iskazivanje interesa za članstvo u Konsultativnom Forumu Sist'her Centra za žene ima za cilj okupljanje različitih aktera iz civilnog društva, poslovnog sektora i akademske zajednice koji će svojim znanjem, iskustvom i kapacitetima doprinijeti unaprjeđenju programa i usluga Sist'Her centra. Kroz ovaj konsultativni forum, želimo dobiti smjernice za razvoj novih strategija, usluga i programa koji će osnažiti žene poduzetnice i one koje žele pokrenuti sopstveni biznis, stvarajući inkluzivne, održive i pristupačne mogućnosti za sve žene.

Ko se može prijaviti?

- Predstavnici organizacija civilnog društva koje svojim radom doprinose unapređenju položaja žena kroz promociju i zaštitu ljudskih prava žena u Bosni i Hercegovini.
- Predstavnici organizacija civilnog društva koje svojim radom doprinose stvaranju povoljnijeg poduzetničkog eko sistema u BiH.
- Predstavnici organizacija civilnog društva koje svojim radom doprinose unapređenju društveno ekonomskog položaja žena u ruralnim područjima BiH.
- Predstavnici/ce postojećih biznisa koji su primjeri dobrih praksi i odgovornog poslovanja u BiH.
- Žene koje imaju poslovnu ideju i žele registrovati biznis u BiH.
- Predstavnici akademske zajednice čiji je rad fokusiran na istraživanja i aktivnosti usmjerene na društveno, ekonomsko i političko osnaživanje žena u BiH.

Struktura konsultativnog foruma:

5-7 fizičkih ili pravnih lica iz gore navedenih kategorija.

Metodologija rada:

Metodologija rada bazirat će se na participativnom pristupu koji podrazumijeva aktivno učešće svih članova u davanju smjernica za kreiranje strateških pravaca i promociji centra, kao i kreiranje programa koji će osnažiti žene preduzetnice i one koje žele pokrenuti sopstveni biznis. Fokus će biti na kreativnosti, inovativnosti, sestrinstvu i intersekcionalnosti, uz međusobnu saradnju i razmjenu iskustava među svim akterima.

Zadaci članova/ica Konsultativnog foruma:

Aktivno učešće na 3 konsultativna sastanka na kojima će članovi Konsultativnog foruma:

- davanje smjernica i povratnih informacija u vezi s strateškim pravcima/planom rada Sist'Her centra
- razmjenjivanje znanja i davanje smjernica i podrške u kreiranju programa i usluga centra
- doprinos promociji Sist'Her centra i usluga

Vremenski okvir i mjesto održavanja:

Konsultativni forum će se održati 3 sastanka u periodu do 31.12.2026.

Prvi sastanak: april 2025.

Drugi sastanak: septembar 2025.

Treći sastanak: januar 2026.

Sastanci će se održavati uživo u Sist'her centru, ul. Ferhadija 19/2, Sarajevo.

Vrsta angažmana: Volonterski (bez naknade)

Napomena: Troškovi prevoza i smještaj za osobe koje dolaze izvan Sarajeva će biti refundirani.

Pravni okvir: Potpisivanje sporazuma o saradnji

Potrebni dokumenti za prijavu:

CV organizacije / kompanije / pojedinca

Napomena: Žene za žene International zadržava pravo kontaktiranja onih fizičkih/pravnih osoba koje uđu u uži izbor za članove/ice konsultativnog foruma Sist'her Centra.

Pismo interesa i CV se dostavljaju elektronskim putem na e-maila sisther@zenezazene.ba. Sve dodatne informacije i upiti se mogu slati isključivo putem navedenog e-maila.

Rok za prijavu je 17.4.2025. do 15.00 časova.